

A. Gr. a.

7668

A. gr. a. 1668

(Musaeus)

Heinrich

SPECIMEN ANIMADVERSIONVM
IN
M V S A E I C A R M E N
DE HERONE ET LEANDRO

VIRO CLARISSIMO
FRIDERICO IACOBSIO


IN ILL. GYMNAS. GOTH. PROFESSORI

N V P T I A S
GRATVLATVRVS

SCRIPSIT
CAROLVS FRID. HEINRICH
G O T H A N V S
SEMINAR. R. PHILOLOG. GOTTING.
SODALIS

Esse sui dederat monumentum et pignus amoris.

GOTTINGAE
TYPIS BARMERIANIS
MDCCXCII.



Est quodam prodire tenus, si non datur ultra.

HORAT.

V. 5. Νηχόμενόν τε Λέανδρον ὁμοῦ καὶ
λύχνον ἀκούω.

Poeta Musam illa, ad quae eam exhortatus erat, amores scilicet Leandri et Heronis lucernaeque ministerium, canentem se audire dicit; quae singularis ratio est, tantum non noua, at, opinor, poetae nostri ingenio non indigna. Simile quid magnifice exornauit Claudianus R. Prof. princ. SCHRADERVM h. l. vt saepe, mire turbantem videbis. Nec adhuc suffragari potui ΤΟΥΡΙΟ *Emendatt. in Suid.* T. II. P. 191. ed. Lips. pro ἀκούω tentanti ἀείδω, quae vulgaris forma est.

V. 8. Λύχνον, ἔρωτος ἄγαλμα. — — —

Ἔρωτος ἄγαλμα de lucerna dictum, interpretibus de loquendi usu securis, modo est *amoris signum*, (Cl. KÜTNER : *das Panier der Liebe*) modo *solatium*, modo *monumentum* etc. Equidem, cum locus ex iis sit, in quibus, quis verus sensus, vix certo definiri possit, varias interpretandi rationes proponere contentus, liberum cuilibet iudicium relinquo. Ἀγαλμα est *ornamentum quoduis*. (vid. erudite de h. v. disputantes V. V. D. D. DORVILL. ad Charit. p. 205. ed. Lips. et RVHNKEN. ad Timaei Lex. p. 5. sqq. nov. edit.). Lucerna iam *amoris ornamentum* dici posset, quatenus ea adiuuante amor feliciter procedebat et quasi adornabatur. Non absimili modo Luna noctis ἄγαλμα audit Hymn. Orph. VIII. 9. quippe qua nox collustratur adeoque ornatur. Cf. Bion. Fragm. VIII. 2. Alia via esset, si ἔρως pro ἐρῶν acciperes, ut Latinis saepe *amor* et *amores* pro amantibus. Exemplum collegit diligentia DÖERINGII V. C. praeceptoris mei optime de me meriti, ad Catull. X. 1. add. Tibull. I. 4. 40. I. 5. 75. et passim. Ovid. Met. IV. 137. Lucerna nunc *voluptas* dici potest aut Heronis, quia *amasi-um*

aduocabat, aut Leandri, quoniam hic eam habebat viae ducem. Etiam ἔρως, litera maiori appicta, de Cupidine intelligi potest; forte non inepte. Anacreonti Od. LI. 6. ver Ἱέρειον ἄγαλμα peruenisse dicitur. Cf. FISCHER ad h. l. Euripides canem Ἑκάτης ἄγαλμα appellauit notante RVHNKENIO l. c. p. 7. Noster igitur commode lucernam *Cupidinis oblectamentum* vocare poterat, quandoquidem eius auxilio Cupido consilium suum (v. 17.) exsecutus erat. Esse denique video, qui *simulacrum Amoris* explicent, quod longius petitum videtur.

V. 32. Πύργον ἀπο προγόνων παρὰ γει-
τονι ναῖε θαλάσση.

Habitabat igitur Hero turrim iuxta mare sitam, quam reliquisse dicendum est, quando sacerdotio Veneris erat fungendum. Quod si ita animo conceperis, veri omnino habet speciem, nec opus est vt accedas LESSINGII, immortalis viri, sententiae (*Ueber das Epigramm* p. 316 seqq.) Heronis turrim fuisse templum Veneris altius exstructum, quae an praeter subtilitatis
* 3 lau-

laudem multum habeat, quo se commendet, valde dubito. Quae enim adducit acutissimus vir Anthologiae Epigrammata, docent quidem Veneris *εὐπλοίης* s. *ποντιάδος* templa prope mare fuisse posita, non vero, turrim quam habitabat Hero, fuisse templum Veneris. — Verba *ἀπο προγόνων* crucem fixerunt V. V. D. D. Alii explicant: *procul a parentibus*, alii turrim *a maioribus acceptam* intelligunt; nec de fuere, qui lectionem coniectando sollicitarent. LENNEP. ad Coluth. proposuit:

πύργον ἀποπρὸ γονέων vel

πύργον ἀποπρὸ δόμων.

Magnus WESSELING ad Diodor. S.

T. II. p. 468.

πύργον ἐπὶ προβόλων.

Equidem interpretando, non emendando verbis laudatis succurrendum puto. A vero non longe abfuit SCHRADERVS, quem tamen misere se torquere doleas. Scilicet *πύργος ἀπὸ προγόνων*, si quid assequor,
pro

pro simpl. π. τῶν προγόνων dixit poeta, exquisita nec insolita vsus loquendi ratione. Hybrias in egregio Scolio ap. Athenae. XV. 15. p. 685. v. 4. δῖνος ἀπ' ἀμπέλου pro δῖνος τῆς ἀμπέλου. Aristoph. Av. 1516. κνίσσα μηρίων ἄπο. Theocrit. II. 80. ἀπὸ γυμνασίου πόνος. Cf. V. 95. VI. 15. Lucret. de R. N. II. 50. *fulgor ab auro*. Virg. Georg. II. 243. *dulces a fontibus undae*. Ex his, quae adduxi, exemplis, satis puto stabiliri in Hermesianactis diuino Fragni. ap. Athenae. XIII. p. 597. vulgatae lectionem vs. 36. *μαλακοῦ πνεῦμ' ἀπὸ πενταμέτρου*, quam magni nominis Criticos, LENNEPIVM et RVHNKENIVM *Epist. Cr. II. p. 291. in μαλακοῦ πνεῦμα τὸ πενταμέτρου* refingi voluisse mireris.

V. 42. Primi amantium congressus in festis Veneris atque Adonidis (de quibus vid. praeter Theocrit. XV. Cl. MANSO ad Bion. I.) fuisse finguntur; quem morem vett. in sollennibus Deorum festis primos amores iungendi, attigit DORVILLE ad Charit. p. 208. ed. Lips. Quid? quod in hac re nostri homines a praeclis parum discrepant. — Cum seqq. v. 44 - 50.

comp. ornatissimus locus Catulli de Nupt.
P. et Th. v. 32. seqq.

V. 71. 72. Versus hos ductos esse
ex Apollon. Rh. III. 444. seq. acute vi-
dit Cl. MITSCHERLICH, vir omnis elegan-
tioris doctrinae copiis instructissimus, *Leßt.*
in Catull. p. 81. — V. 73. τις vert. *non*
nemo iuuenum (*mancher* Jüngling) non
cum omnibus: *vnus* e iuuenibus. vid. 84.
τις hac vi in Homero obuium. Il. II. 271.
VI. 459. 462. IX. 628. etc. Sic τὸ *ali-*
quis Latin. v. c. Stat. Theb. I. 171.

V. 84. 85. — — ἄλλοθεν ἄλλος
Ἐλκος ὑποκλέπτων ἐπεμήνατο κάλλει
κούρης.

Elegans est ac notabilis v. ἐπιμαίνεσθαι
τινι vsus de rebus, quibus toto animo in-
hiamus. Moschi Fr. VI. 2.

— — Σάτυρος δ' ἐπεμήνατο Λύδαν.

Venusiissimo poetae fortasse ex hoc
ipso Musaei loco restituendum est Λύδαί;
id quod obiter monere liceat. Conf. Theo-
cr.

cr. II. 48. 49. Latini poetae in illo dicendi genere Graecos imitati videntur. Catull. de Nupt. P. et Th. 98.

Qualibus incensam iactastis mente puellam

Fluctibus, in flauo saepe hospite suspirantem!

Cf. Ouid. Art. I. 731. 32.

V. 94. 95. Ὀφθαλμοὺς δ' ὁδὸς εἶν.
ἀπ' ὀφθαλμοῖο βολάων

Ἔλκος ὀλισθαίνει, καὶ ἐπὶ φρένας ἀνδρὸς ὁδεύει.

Ἔλκος in omnibus libris locum suum tuetur. SCHRAEDERVS quibusdam Codd. adslipulantibus substituit κάλλος, vanam elegantiam in repetitione superioris vocis (v. 92.) captans. Geminatio eiusdem verbi vim vnusquisque sentiet in his locc. Supra 5. 6. Anacr. Od. XXIX. 34. Apollon. Rh. I. 956. Catull. de Nupt. P. et Th. 260. 285. 325. Aty. 8. At in nostro l. repetitio vocis pluribus vss. interiectis prorsus friget. Retinendum ἔλκος, quod sicuti Latin. *vulnus* saepe pro *quacun-*

que animi affectione est. v. 85. et infr. 199. Virg. Aen. I. 36. *Iuno aeternum servans sub pectore* vulnus i. e. iram. IV. 2. *vulnus alit venis* i. e. amorem. Cf. ibid. v. 67. et Ouid. Met. V. 427. Ceterum cum his vss. contende Meleag. LXXXIV. 9. 10. vbi Nostri non immemor fuit Cel. MANSO.

V. 125. Μῆνιν ἐμῶν ἀπόειπε πολυτεά-
νων γενητήρων.

Qui versui inest sensus, sole clarior. Hero iuuenis impetum minis repellere cupit, eumque eius parentum iram vereri iubet. Sic πολυτεάνων aptissime adiectum, nec, cum CARPZOVIO, πολυκλύτων refingendum. Enimvero de lectione ἀπόειπε laboro, eamque vix poetae manum esse puto. Qui verbo adhaerent significatus (vid. b. KOEPPEN *Anmerkungen* z. Hom. T. II. p. 273.) manifesto loci sensui non respondent. Nuperus idemque male feriat Musaei editor, inuitis Musis coniecturam suam ἀπόλειπε in textum intulit. Sagacioribus vlcus sanandum committere, consultius mihi videbatur.

V.

V. 145. Θεσμὰ θεῆς ἐρόντα, καὶ
ὄργια πιστὰ δαῖναι.

*Ὀργια πιστὰ intelligo *Sacra fida*, i. e. *quae fidem requirunt eaque constant*. Opponuntur, egregie monente DORVILLIO ad Charit. p. 444. ed. Lips. vagis libidini-
bus. Coniectura LENNEPII ad Coluth., p. 80. ὄργι ἀπύσα praeclara est ac tali ingenio digna. Cf. infr. 274. seqq. Pudet huic adiungere misellam TEVCHERI lectionem ὄργια πύσα, quam iste (credite potest!) poetae violenter obtrudere ausus est.

V. 162. Καὶ χθονὸς ἔξεσεν ἄκρον ὑπ'
ἰχνεσιν. —

LECTIO ὑπ' ἰχνεσιν pro ἐπ' ἰχν. satis certa esse videtur. Nam praepos. ὑπὸ sexto casui apposita haud raro redundat, ideoque Vir summus, HEYNE, praeceptor meus aeterna reuerentia prosequendus, in Not. ad Apollodor. T. I. p. 80. optimo iure refinxit ap. Oppian. Cyneg. IV. 164.

Δερκόμενος χαροποιῖσιν ὑπ' (pro ἐπ')
ὄμμασιν αἰθόμενον πῦρ.

Οὕτως

Sententiarum autem nexus verborum-
que sensus, hoc modo, nisi fallor, con-
stituendi: Virgo perditte amantis iuvenis
blanditiis delinita, initio tacita vultum in ter-
ram defigit, ore prae pudore occultato;
mox gressum vertit, quasi Leandrum re-
lictura, leviter tamen ac sine strepitu, quod
puellae est pudore contactae. Haec omnia
virginem, Leandri verborum lenociniis
amorisque libera confessione perculsam, in
formosi tamen iuvenis consilium fere pro-
cliuem, ad meum sensum, haud inepte de-
pingunt, nec a me impetrare possum, vt ap-
plaudam KROMAYERO aliisque puellam in-
telligentibus, prae consilii inopia, altero pe-
de terram radentem et stringentem. Hoc
enim, quo iure *πειθοῦς προάγγελον* esse possit,
non docent illi, nec equidem video. Praeterea
verba nostrae interpretationi egregie patro-
cinantur. *Ξέειν* de leui incesso dr. vt Latin.
radere. Virg. Aen. V. 216. de columba
volante: *radit iter liquidum*. vid. V. Ill.
HEYNE ad h. l. *ἵχνη* *pedes* ap. Eurip. Orest.
140. Orph. Argonaut. 254. et al. Hinc
Latini *vestigia* pro pedibus, Catull. de Nupt.
P. et Th. 162. *candida vestigia* ubi vid. quos
excitavit Cel. DOERING.

V.

V. 178. — — πῶς γὰρ ἀλήτης
Ξεῖνος ἐὼν καὶ ἄπιος, ἐμῇ Φιλότῃτι μι-
γείῃς ;

Ἄπυος SCHRADERVS excudi iussit,
ROEVERVM fecutus. Malim retinere vulg.
ἄπιος, idoneum cuiuslibet peregrini et
quasi perpetuum Epitheton. — Notabilis
deinde est exquisitior loquendi forma μι-
γῆναι φιλότῃτι τινὸς pro vulgari μιγ. τινι ἐν
φιλότῃτι. Hom. Hymn. in Vener. 150.

Οὐτίς ἔπειτα θεῶν, οὔτε θνητῶν ἀν-
θρώπων

Ἐνθάδε με σχήσει, πρὶν σῇ φιλότῃτι
μιγῆναι.

Hesiod. Clip. Herc. quem iuuenili mea
opera illustratum proxime emittere animus
est, v. 35.

Αὐτῇ μὲν γὰρ νυκτὶ τανυσφύρου Ἠλεκ-
τρώνης

Εὐνῇ καὶ φιλότῃτι μίγῃ, τέλεσεν δ' ἄρ'
ἑέλδωρ.

vbi b. KOEPPEN (*Griechische Blumenl.* T. II.
p. 243.) rarioris formae ignarus, citra
necessitatem corrigi volebat τανυσφύρω
Ἠλεκτρώνη.

V.

V. 213. 14. Καί μιν ὀπιπτεύων, οὐκ
 ὄψομαι δύντα Βοώτην,
 'Ου θρασύν 'Ωρίωνα, καὶ ἄβροχον
 ὀλκὸν Ἀμάξης.

Vexatissimi vss. variis variorum hariolationibus. CANTERUS *Nov. Lectt. I. 2.* pro ὄψομαι refingebat ὀψὲ δύντα ex Hom. Od. V. 272. diphthongum αἰ corripī posse negans. Quaestio a pluribus agitata in primis a BENTLEIO ad Callim. H. in Iov. 87. IENSIO *Lectt. Lucian. II. 6.* multisque aliis. Equidem de re nunc non dubito excussis, quae satis multa in hanc rem, congescit SCHRADERVS exemplis in Animadv. p. 304 sqq. proptereaue, mutandi nullam esse causam, existimo. At vellem in loco interpretando sani quid attulissent intpp. SCHRADERVS nunquam magis halucinatus est, quam h. l. Astra a poeta memorata eiusmodi sunt, quae nau-tae sedulo obseruare, et ad quae naus cursum dirigere debebant. *Bootes*, aliis *Arctophylax* dictus, sera nocte occidens, nauigantibus periculosum fidus; id quod ipse Arcturus, stella in eius signo posita, testatur ap. Plaut. Rudent. Prol. 70.

Ar.

— *Arcturus signum sum omnium
acerrimum:*

*Vehemens sum oriens: cum occido ve-
hementior.*

Orion nautis infestus, cui non dictus?

Anacr. Od. XVII. 9. *συγνός Ὠρίων*. vbi
v. intpp. Theocr. VII. 54. vbi-v. Schol.
Horat. I. 28. 21. III. 1. 27. III. 27.
17. Epod. X. 10. XV. 7. Virg.
Aen. I. 535. vid. V. S. HEYNE. cf. IV. 52 --
"Αυξά, *Currus*, aliis *Vrsa maior*. Huic
tribuitur ὀλκός ἄβροχος, quia nunquam oc-
cidit, id est poetis, nunquam in mare
immergitur. Cf. Ouid. Met. II. 71. ibi-
que Doctss. GIERIG. Trist. IV. 3. 2.
ὀλκός docte de plaustro dictum, quatenus
trahitur, ἔλκεται. Pari ratione Dionysius
Cyzicenus in Hymno praecellenti (BRVNK.
Anal. Vett. P. T. II. p. 253.) v. 23.
ὑπὸ σύρυασι μόσχων pro μόσχοις, οἱ σύρουσι
sed doctiori forma. In eod. Carm. v. 18.
turpi mendo foedatus est.

Σοὶ μὲν χορὸς εὐδίας ἀσέρων

Κατ' Ὀλυμπον ἄνακτα χορεύει

"Ανετον μέλος αἰὲν αἰδῶν κ. τ. λ.

Vocem ἄνακτα ferri non posse, in confesso
est. Dandī casum propter σοί, in versione
ver-

vernac. expressit Excell. HERDERVS (*Zerstreute Blätter*. T. II. p. 202.) reddens: *dir, dem Könige*. Suspicio poetam potius dedisse:

Κατ' Ὀλυμπον ἄΤακτα χορεύει.

ἌΤακτα pro adverb. est, vt Anacr. Od. L. 24. Cantus autem remissior liberiorque (ἄνετον μέλος) cum saltatione incompocita optime conuenire videtur. Acutiores iudicent. Illuc reuertor. Secundum illa, consulto a nobis vberius exposita, loci sensus aperte hic est: *Lucerna tua mihi est pro astris, eamque intuens non curo Orionem, nec Booten, nec Vrsam*. Vide, quam poetice Noster extulit simplicem sententiam: *Lucerna tua viam mihi monstrabit, non sidera*. Huic explicationi magnum pondus addit locus geminus Ouidii Heroid. XVIII. 149 seqq.

*Nec sequar aut Helicen, aut qua
Tyros utitur, Arcion:*

*Publica non curat sidera noster
amor. &c.*

*Est aliud lumen, multo mihi certius
istis,*

*Non erit in tenebris quo duce no-
ster amor.*

V. 221.

V. 221 - 29. Ὡς ἂν μὲν κρυφίοισι γά-
μοις συνέθεντο μιγῆναι,

Καὶ νυχλὴν φιλότητα, καὶ ἀγγελίην
ὑμεναίων,

Λύχνου μαρτυρίῃσιν, ἐπισώσαντο φυ-
λάξαι.

Ἡ μὲν φῶς τανύειν, ὁ δὲ κύματα μα-
κρὰ περῆσαι.

225. Παννυχίδας δ' ἀνύσαντες ἀκοιμήτων
ὑμεναίων,

Ἀλλήλων ἀέκοντες ἐνοσφίσθησαν ἀνάγκη,

Ἡ μὲν ἐὸν ποτὶ πύργον, ὁ δ' ὄρφναίην
ἀνὰ νύκτα

Μήτι παραπλάζοιτο, λαβὼν σημήϊα
πύργου,

Πλῶε βαθυκρήπιδος ἐπ' εὐρέα δῆμον
Ἀβύδου.

Singula primum expendamus, deinde
omnem narrationis speciem. Συνέθεντο
de amantibus, *mutuam sibi fidem obstrin-*
xerant. Συντίθεσθαι similiter occurrit ap.
Longum Pastoral. Prooem. νέοι συντιθέμε-
νοι. ad q. l. verbi vim docte illustravit Eru-
ditiss. VILLOISON. in Animadvv. p. 6. sq.
Exemplis add. Platon. Menex. Cap. XVII.
ξυνέθεντο καὶ ὥμοσεν. Thucyd. III. 114. ---

**

φῶς

Φῶς τανύειν est *lucernam protendere*. Pari
 modo Eurip. Iphig. in A. 34. Λαμπτήρος
 Φάος ἀμπετάσας. — λαβὼν σημῆϊα πύργου
 lectio est SCHRADERI ex coniectura BER-
 GLERI, an satis felici, postea videbimus.
 Vulg. βαλὼν sine dubio in mendo cubat.
 Penique δῆμος Ἀβύδου est *terra Abydena*.
 δῆμος pro *terra* ac *regione* passim. Hom.
 Il. II. 547. Od. I. 237. VI. 3. Hymn.
 in Dian. 4. (T. V. p. 101. ed. Ern.)
 Eodem modo *gens* Latinis vsurpatur. Virg.
 Aen. I. 533. Ouid. Met. II. 245. vbi
 v. BURMANN. In verbis loci, quem to-
 tum adscripsi, parum inest difficultatis,
 plus in narrationis nexu, quem nondum sa-
 tis expedio. Amantes de nuptiis furtiuis
 inter se conueniunt. (v. 221 - 24.) Iam,
 postquam prima Venere fructi sunt, (v. 225.)
 Hero turrim suam petit, iuuenis Abydum.
 Quid ergo? Si in Heronis turri ἀνοιμήτους
 ὑμεναίους non peregerant, quo alio loco?
 an in fano Veneris? quod vix committi
 poterat. Alterum, quod me offendit, sunt
 verba λαβὼν σημῆϊα πύργου, quae interpre-
 tantur: *respiciens signum turris* i. e. lucer-
 nam, nulla plane narrationis habita ratione.
 Primum Leander lampadem conspiciere
 .. nondum

nondum poterat, utpote nondum suspensam. Deinde dicant mihi interpretes, qua ratione Leander respicere potuisset natando lucernam, et, quod magis vigeo, cui bono? Namque lampas a tergo suspensa, quid prodesse potest ad terram e regione positam nataturo? Locus ut vulgo se habet, vix sanus est, imo forte mutilus. Quod olim succurrebat, pro βελών legendum esse λιπών, nunc parum placet. Tu lector, si quid noueris rectius istis, candidus imperti! —

V. 281. Καὶ γάμος ἦν ἀπάνευθεν αἰδομένων ὑμεναίων.

Inuestigasse mihi hic videor pannum a feriori manu assutum, fortasse e margine in textum illatum. Eadem enim sententia bis iam expressa erat v. 274. 278. An putabimus tertio eam repetiisse poetam?

V. 297 - 99. — — — τυπτομένης δὲ

Ἦδη νῆα μέλαιναν ἀπέκλασε διχθᾶδι
χέρσῳ,

χειμερίην καὶ ἄπισον ἀλύσκαζων ἄλα
ναύτης.

Versamur in loco, V. V. D. D. coniectu-

ris ac erroribus ita obscurato, vt in his tenebris aliquid dispicere, difficillimum sit. Laboramus in verbis: ἀπέκλασε διχθάδι χέρσω. Quid sit *nauem frangere*, quid δίχθας χέρσος, non statim liquet. Priorum intpp. hariolationes in KROMAYERI edit. videre licet. Sufficiat nobis potiora recentiorum criticorum commenta notare. DORVILL. ad Charit. p. 361. ed. Lips. legendum coniecit aut ἀνέκλυσε aut ἀνέσπασε, loco de navis subductione intellecto, quo etiam διχθάδι χέρσω referendum. Huius sententiam amplexus est SCHRADERVS, qui tamen in δ. χέρσω admodum tricatur. BRVNK. V. Ill. ad Apollon. Rh. I. 955. lectionem h. l. hunc in modum refingit:

— — — τυπτομένην δὲ

Ἡδὴ νῆα μελαίναν ἐπέκλυσε διψάδι χέρσω.

Generos. ALXINGER, insignis Germanorum poeta, qui Carmen nostrum vernaculis numeris redditum (v. *Deutsches Museum*. 1785. Vol. II. p. 289 seqq.) WIELANDO inscripsit, coniecturam suam: ἀπέκλασεν ἡθάδι χέρσω in versione expressit. Si recte iudico, non tam emendatione, quam interpretatione vss. extricandi. Adumbrauerat Noster summam æquoris
com-

commotionem: nunc subiicit, nautam
maris aestu coactum iam vitasse pontum,
naui ad litus allisa adeoque fracta. Ad-
ditum hoc videtur, ad declarandam maris
concitati vim ac vehementiam, quae tam
repente ingruit

*Vt quaecunque in eo tum sunt de-
prensa tumultu*

*Nauigia, in summum veniant vexata
periculum.*

vt versibus utar Lucretii de R. N. VI. 428.
De re ipsa dubitare non licet. Mos enim
est nautis, vbi exorta tempestate, in alto
mari omnis salutis spes est praecisa, vt na-
vem fluctibus ad litus allidendam tradant,
sicque frangi patiantur. Exemplis sunt
Tarchon ap. Virg. Aen. X. 290. vbi o-
mnino vdr. HEYNE V. S. et naus, qua
vehitur Paulus cum sociis Act. Apost.
XXVII. 39. In verbis $\delta\lambda\chi\theta\alpha\varsigma \chi\acute{\epsilon}\rho\sigma\omicron\varsigma$, de
quibus miras res cominenti sunt interpret.
(vid. KROMAYER ad h. l.) minor difficul-
tas inest. Intelliguntur Sestus et Abydus.
 $\delta\lambda\chi\theta\alpha\varsigma$ vox poet. pro $\delta\lambda\sigma\sigma\omicron\varsigma$. Simplex *in*
terra s. *ad litus* ornauit vt poeta, certam
terram nominando; id quod sexcenties
fieri, quis nescit? Adeas saltem Horat.

** 3

Od.

Od. I. 1. vbi *Lybicae areae, trabs Cypria, Myrtoum mare* etc. ad eandem rationem reuocanda. Iudicent alii, an sic poetae mentem assecutus sim. Equidem in praestantissimi mei praeceptoris, HEYNI, grauissimi iudicis assensu, lactus acquiesco.

V. 314-16. Ἡδὴ κύματι κύμα κυ-
λινδετο, σύγχυτο δ' ὕδωρ.

Ἀιθέρι μίσγεται πόντος· ἀνέγρετο πάντο-
θεν ἡ χῆ

Μαργαμένων ἀνέμων. κ. τ. λ.

Splendidissima tempestatis descriptio, quam Marone non indignam censeo. — σύγχυτο δ' ὕδωρ vulgata lectio ante ROEVERVM, qui ex veteri edit. dedit σύνθρο δ' ὕδωρ, applaudente SCHRADERO. Mihi antiqua legendi ratio multo accomodatior esse videtur. συγχύσθαι *perturbari* est, vt Latinor. *confundi*. Virg. Aen. V. 496. XII. 291. Pro hoc exquisitius ἐκχέειν vsurpauit Sophocl. Philoct. 13. — Vs. seq. pro ἡ χῆ in quibusdam libris compareret ἡ γῆ, recte ab aliis, vt KROMAYERO, ROEVERO ac SCHRADERO reiectum. Hic enim de maris non de terrae tempestate
sermo

fermo est. — μαρναμένων ἀνέμων. Ventorum inter se certantium sollennis fere in tempestatum descriptionibus mentio. Horat. Od. I. 3. 13. ap. Virgil. passim. E contrario venti tranquilli et compositi Hesiodo Opp. et D. 670. ἐνκρινέες i. e. quorum lis iudicata est, audiunt, quod male accipiebat GVIETVS pro σαφεῖς, cognitu faciles.

V. 325. — — ποδῶν δὲ οἱ ὤ-
κλασεν ὄρμη.

Ὅρμη ποδῶν commode dici posse non dubito. Vert. *infractus est natanti pedum impetus* i. e. vis s. vigor. Blanditur tamen, in quod incidit TEVCHERVS: ποδῶν ἀκμή, digna lectio, quae in textum induceretur, si Critici esset poetam nitidiorem reddere. Pindar. eodem dicendi genere usus est. Isthm. III. 8. 3. idemque, tanquam magis poeticum pro ἀλκῇ Olymp. II. 114. restituit Vir Summus HEYNE in nuper editis *Additament. ad Pindar.* p. 10. Verum nostro loco ὄρμη ποδῶν retinendum, ut omnino praeter necessitatem nihil novandum censeo.

Iam

Iam vero hic tandem desino, necum IACOBSSII mei, tum aliorum, quibus leue hoc specimen manibus versare forsitan placuerit, otio abuti velle videar. Telam, quam idonea hac occasione exorsus sum, alio tempore detexere licebit, quando ad Musaeum perpetuis notis dilucidandum serio me accinxero. Nunc, ut aequi iudices pusillum laborem meum, inter bonae valetudinis curas susceptum ac tempore urgente acceleratum, indulgenter aestiment, errantemque comiter in viam reducant, etiam atque etiam rogo. Scrib. Gottingae mens. Mai. MDCCCLXXXII.



